

[民國]棗陽縣鄉土志

一卷

馬伯援編

民國二十一年(1932)鉛印本

一冊

原件收藏

湖北省圖書館

原件書號

地 2933

原件狀況

原件完好

本部書共攝制

1


卷

一卷

版權所有 不准復印


# 棗陽縣鄉土誌

史十一  
252.23  
5076



### 棗陽縣鄉土誌序

馬



吾鄂教育、言之可耻、北伐成功後、而地方縣立各小學、均先後破壞各城鎮、謀設完全小學、本年二月、記者歸梓、有識之士、只於北二區未破壞各城鎮、視察鹿頭、逮家堂兩鎮小學、聞各教員云、鄉間最不易得者課本、尤其是歷史、地理、公民等科、後到漢滬各書店翻閱已成之書、所用教材、與地方情形、可謂『風馬牛不相及也』、乃決心作鄉土誌以代之、取材於棗陽縣誌、天下郡國利病書、及讀史方輿紀要、因摘錄往事、概用文言、非得已也、閱者諒之。

民國二十一年五月於日本東京市外上落合五四七東青莊

# 棗陽歌

(一) 吾棗萬里長城孟珙與宗政父子共同

殺賊統領忠順軍建槽八十三丈

溉田十萬頃並立十莊三轄使軍民分屯

吾棗萬里長城孟珙與宗政

父子共同殺賊統領忠順軍

(二) 吾棗青史聞人首當推蔡倫  
 它在蔡陽城畔池以蔡子倫  
 吾棗青史聞人首當推蔡倫  
 (三) 吾棗山川鍾毓光武獨推秀  
 客星乃犯帝座美譚光武  
 吾棗山川鍾毓光武獨推秀

文化此其介用紙是也新發明  
 不僅功在東亞歐美亦新發明  
 文化此其介用紙是也新發明  
 不僅功在東亞歐美亦新發明

文崇尚把崇  
 文化此其介用紙是也新發明  
 不僅功在東亞歐美亦新發明

是也新發明  
 歐美亦新發明  
 是也新發明  
 歐美亦新發明

喜雲喜  
 是也新發明  
 歐美亦新發明

厚子友  
 是也新發明  
 歐美亦新發明

## 棗陽縣鄉土誌

### 第一課 疆域

棗陽縣屬湖北省，位於鄂之西北，距省城五百四十里，東西寬百三十里，南北長百八十里，東界隨縣，西南界鍾祥宜城，西界襄陽，北界河南之新野、唐河、桐柏諸縣，舊稱春陵，又稱章陵，全縣分十區，戶口八萬五千二百六十一戶，男丁二十二萬八千三百九十六，女子一十六萬六千四百八十八，共三十九萬四千八百八十四人，錢糧為九百六十七兩三錢七分二厘，此係清末調查，民國後襄花瀘車經過縣城，人口約在五十萬左右，列為中縣。民國十七年迄今，城西南共黨猖獗，於璩家灣蔡陽舖，踞為根據，北鄉鹿頭鎮，提倡人民自衛，產業合作社，人口雖有由西南移東北之事實，但全縣數目，無若大變遷。

## 第二課 山川

棗陽無名山大川、其與歷史攸關者、曰赤眉山、曰唐子山、曰棋桿山、曰霸山、其山之最大者曰大阜山、水之著名者曰白水。

赤眉山在縣東北八十里、相傳東漢初、赤眉嘗軍於此、故名。

旗桿山在縣北七十五里、相傳光武起兵時、立幟於上、今山頂有巨石、一孔中穿、爲置旗遺蹟、高百餘丈。霸山又名武王山、世傳楚武王曾獵此。

唐子山在縣北六十里、平原特起、氣象萬千、邑北門戶、爲光武帝牧馬之鄉。

大阜山在縣東北六十里、爲白水發源地、舊誌云、縣有光武舊宅、宅枕白水、張衡所謂龍飛白水、王萬芳云、桐柏東來大阜尊、聖龍石虎總兒孫、蓋紀實也。白水外曰盩水者、出於隨縣栲栳山、曰昆水、者出於聖龍山谷中、此其大較也。

## 第三課 民俗

陳鐸府志云、棗陽士習敦樸、民風從儉、然禮教未嫻、輕蹈法網而不知、又商賈往來、競習侈靡、飲食燕會之節、陳設甚豐、土著居民、漸且染之、所當諄切化導、使之返樸還醇。記者曰、居今日而讀陳君對於棗俗批評、似覺其開倒車、但北接唐桐、西界襄宜、風氣犷悍、教育鄙陋、民國以來、駐軍擅作福威、非魚翅不宴客、所謂「儉」奢」二字、見到之論也。婚禮以名柬爲定、女家答柬亦如之、曰「過八字」、以後卜吉期、婿親迎、拜天地、入洞房、及夕、合巹於室、翌晨、拜見舅姑親戚。喪禮、多遵朱子家禮、易素衣、成斂、卜地安葬、擇日受弔、一般人多用僧道諷經禮懺、且因教育幼稚、算命、卜卦、陰陽、風水迷信、深入人民腦海、改善不易。

#### 第四課 娛樂

四

棗俗於前清末、演戲拜會之風甚熾、正月初一、除行後、卽有朝山進香之集團旅行組織、其目的地爲均縣之武當山、往來約半月、正月十五、大鬧元宵、龍燈、竹馬、採蓮船、走馬燈、沿門嬉戲、鉦鼓爆竹之聲、震動閭里、蓋古人難以逐疫之義、又演戲以助餘興、家家戶戶、咸樂太平。自正月後、各鎮有會戲、所謂二月二、三月三、四月八、或稱燒香會、或曰牛馬會、每於會期、則各商旅雲集、出賣日用器具及農具文房等品、七月十五、城內祀土地、競排高碗、觀者若堵、秋收後農民稍暇、各處唱『皮影戲』、美其名曰『青苗會』、曰『普樂會』、曰『土地會』、乃人民和樂之意、惜年代久遠、漸失教育作用、今之提倡通俗教育者、當注意及之。

#### 第五課 人物

漢光武帝秀起兵時、初騎牛、殺新野尉、乃得馬、進屠唐子鄉、又殺湖陽尉、軍中分財物不均、衆意恨、欲反攻諸劉、光武斂宗人所得物、悉以予之、後得天下爲天子、與功臣諸侯讌語、從容言曰、諸卿不遭際會、自度爵祿何所至乎、同郡馬武曰、臣以武勇、可守尉督盜賊、帝笑曰、且勿爲盜賊、自致亭長、斯可矣。宋孟宗政字德夫、其子珙、字璞玉、先後守襄棗、擊退金人、爲民族光、又在棗行寓兵於農政策、開鑿水利、溉田十萬頃。記者曰、光武遠識、子張坦率、孟氏父子之殺賊屯田、均棗之人傑也。惜今之武人、旣愛金錢、又護己短、坐食民食、而不能爲民禦寇殺賊、讀光武馬武孟德夫孟璞玉四人遺事、當知有虧。

## 第六課 列女

六

吾國誌書、所記載之列女、約分二類、曰節烈、曰節孝、節烈不外孤峭自殺、剪髮毀面、嚴若冰霜、節孝不外孝親訓子、割股嘗藥、紡績苦守、讀棗陽誌、亦感此千篇一律之論調、究與社會人心、能發生多大効力否、記者不願妄譚節烈之是非、但求與吾人實際生活有關係者、則惟賴乎賢母焉。明段光美妻璩氏、年二十于歸、生四子而夫歿、氏茹苦含辛、訓子有方、長聞化、季聞章、使從師讀、而督其仲聞魚聞撥耕田、謂之曰、禮。義。衣。食。并。重。汝。等。宜。體。吾。心。勿謂吾有所左右也、諸子安之、諸婦亦無間言。吾鹿郭正青幼喪父、其令母之讀、哥嫂間有以衣食不同、苦勞不均爲言者、郭母慨然曰、耕讀分工、待遇自異、其與段母之主張、若合符節、宜並傳焉。

## 第七課 鄉賢

孟子曰、不爲一國之善士、當爲一鄉之善士、張杖、馬呈材者、鹿頭鎮之善士也、故樂爲傳焉。張杖、行四、時通呼爲杖四爺、洪楊亂後、與同志邱先利、王光裕等、創修鹿頭石寨、周八百餘丈、不避勞怨、數年竣工、活人無算、其孫培壽、白手起家、買地萬畝、人咸稱爲乃祖之德。馬呈材性寬忍、愛和平、以不訟爲處世「祕訣」、有地十二畝、在鹿頭鎮小西門外、被地鄰佃戶侵占若干、材置不問、年餘、地鄰知之、責佃戶歸還、材以不受則近於矯情、受則實形他人之短、遂施爲義塚焉、其他類此者甚多。記者曰、世道人心、江河日下、急公好義、爲民衆謀利益如張杖者固少、即寬大爲懷、不因一朝之憤忘其身、如馬呈材之爲人者、又安可多見、故特採錄之、謂爲一鄉之善士。

## 第八課 義 俠

八

唐代岑文本，字景仁，南陽棘陽人，蕭銑潛號荊州，召署中書侍郎，專典文翰，及河間王孝恭定荊州，軍中將士，咸欲大掠，文本進謁孝恭曰，自隨室無道，羣雄鼎沸，四海延頸，以望真主，今蕭氏君臣，江陵父老，決計歸降者，實望去危就安耳，王必欲縱兵虜掠，誠非鄙州來蘇之意，亦恐江嶺以南，向化之心沮矣，孝恭稱善，遂止之。鹿頭鎮附近人郭大賓號宏軒，積學士也，兄弟成家，其長兄某不羈，蕩其產而卒，宏軒收兩侄，爲之授室，後將已產使兩侄與子均分，無偏重焉，子亦翕然安之。記者曰，景仁於民衆遭劫時，慷慨進言，不計利害，俠也。宏軒於兄死侄孤時，分田授室，等於已出，義也。俠義之人，均能犧牲小己，以利羣衆，千百年後，誰不景仰也耶。

## 第九課 實 業

棗陽縣城西四十里，有蔡陽舖者，即古蔡陽縣，縣北半里，有蔡倫宅，宅旁有池，名蔡子池，相傳爲蔡倫造紙池。按中世紀我國輸入歐西之物產有四，曰火藥，曰指南針，曰絲，曰紙，內以紙貢獻其文化最大，蔡氏之功也。清末農間副產，紡線織布，陝甘居民，均以棗布爲必需品，三原太谷經營布店與當舖之巨商，住棗者數十家，騾馬販運於途不絕。現因機器發明，家庭手工，當然淘汰。民國十三年，記者同一技師赴棗調查，彼則曰棗陽多楊柳，其纖維可以編筐箱，居民果注意及之，則爲有望副業。且境內多童山，畜牧森林均宜，養蜂，飼豚，菓木亦宜。民國四年，鹿頭公司，由南湖買得湖桑數萬株，分栽於鹿頭附近，鄉人無知，拘守陳法，未幾失敗，致提倡者受莫大打擊。

九



## 第十課 農 產

棗陽西北接襄、唐、桐柏，土地平坦，多旱地，產麥與棉花，東南界隨、宜、鍾、多水田，產稻，舊志云，棗產稻麥爲夥，餘爲雜糧者此也。蔬之屬，縣特產，(一)曰白菜，白菜以捲心、踢地、箭杆三種著名，縣城東關、璩家灣、鹿頭鎮，所產最良。(二)曰珍珠花，一名雨花菜，又名花兒菜，花未開時採之如珠顆，故名，本縣東南山中，所產有名。(三)曰甘藷，即番藷，俗名紅藷，縣人呼曰「藷」，有紅白二色，通志云，本出琉球，乾隆時，命中州等地，給種教藝，俾佐糧食，性耐旱，歲收頗豐，其功與五穀埒矣。他若鳥、獸、魚類、花、草、藥品，畧同各地，無特異者，但於此而請國人注意者，棗陽棉花，量多質良，早已成莊，記者民國四年由南京金陵大學，携歸美種甚多，試種兩年，樹高、葉穠、實大、不易開花，未能暢行，誠憾事也。

## 第十一課 寺 觀

白水寺，在縣南四十里獅子山上，鄉人建以祀漢光武，明宣德中，僧眞隆改以正殿供佛，以西偏三楹祀漢光武，旁列雲臺諸將木主。明元樸生白水寺詩，晚來頗恨雨昏昏，待旦週遊喜見墩，白水龍飛遺勝迹，紫微山拱護眞垣，支分桐柏垂雞朵，派合襄樊鎖鹿門，却憶陶公捉脉賦，雲頭穴占不虛言。隨縣羅世材白水寺詩，白水村前白水流，西風瑟瑟逼清秋，漢家陵寢今何在，空見沙隄起白鷗。其二，羣雄掃盡故鄉過，豐沛南陽較若何，諸母故人前置酒，不曾學唱大風歌。

椒山寺在縣東北五十里，宋延祐中建，舊有梵宇九層，今廢，元張翥仲舉椒山寺詩，尋幽遠入白雲堆，滿路煙霞撥不開，細討禪關知寂寞，重修樓閣上崔嵬，曇雲瑞繞招提境，琪樹陰遮般若臺，極目遙天成久立，此身恍若到蓬萊。

第十二課 古蹟

光武帝舊宅、在縣東南四十里、卽白水村、又曰皇村、後漢書光武帝紀、注光武舊宅、在今隨州棗陽縣東南、宅南二里有白水。邑令鹿啟烈皇村懷古詩云、茅舍低煙亂石旁、行人指點說皇莊、中興事業照前史、一代山河剩此鄉、古刹梵聲仍白水、荒祠鴉影自斜陽、當年望氣稱葱鬱、感慨銷沉古戰場。臥虎冲在縣北三里許、元劉平以罪戍棗陽、車載其家、夜宿沙河旁、虎啣平去、妻胡氏追及、力持虎足、呼兒付刀刺虎、虎死、平亦斃、扶屍歸葬、今傳其地曰臥虎冲、有胡纘宗作斫虎詩云、曉登漁洋程、夜宿沙河浦、驚見虎啣夫、唾手奮吾武、夫兮婦所天、家兮夫爲主、我生知有夫、甯復知有虎、提戈日可揮、虎猛期必柱、呼兒疾付刀、極力斫若股、虎蹶婦得夫、虎口手能取、縣司表勅旨、婦道名千古。

第十三課 哀情

吳烈女、邑富室吳姓女、幼字史氏、史子長無賴、爲其家所擯逐、女父母憐之、贈以衣裹、女暗脫腕上雙銀釧納裹中、其父母不知、其婿更不知也、以衣質典庫、庫人疑之、鳴於官、官以爲眞盜也、不致詳詰、斃諸杖下、越日女聞之、大哭、投環死、事在咸豐二年、女時年甫十七、邑人每道之、有泣下者、宜賓李香雪哀其志、爲賦銀釧獄一篇、以紀其實、詞云、郎無行、妾薄命、父母誠郎郎不應、妾身未嫁淚流盡、堂前父母贈郎衣、暗脫銀釧爲衣媵、妾心苦、郎性癡、釧藏衣中郎不知、以衣質庫庫疑之、官惡盜賊、不容置辭、血肉狼藉千杖施、不愁打折鴛鴦枝、郎尸僵、妾眉鎖、父母慰兒兒計果、我不殺伯仁、伯仁死由我、斷送梁間花一朵、生不同衾死同穴也可。(下略)

## 第十四課 水利

邑人邱東陽云、前漢時、召信臣爲南陽太守、好爲民興利、躬耕勸農、出入阡陌、止舍鄉亭、稀有安居、時行視郡中水泉、開通溝瀆、起水門堤闕、凡數十處、以廣灌溉、歲々增加、多至三萬頃、爲民作均水約束、刻石立於田畔、以防紛爭、其化大行、吏民親愛信臣、號之曰召父、後漢時、杜詩治南陽、省愛民役、造作水排、鑄爲農器、用力少、見功多、又修治陂池、廣拓土田、郡內比室殷足、時人方於召信臣、故南陽爲之語曰、前有召父、後有杜母。(中略)按吾縣在漢隸南陽郡、循良之澤、親被久矣、今境內有無召杜遺蹟、年遠莫考、惟縣之西北陂堰、率以人力開鑿、多昔人屯戍故迹、東南陂池林立、又人事地利參互而成者也、乃知民以食爲本、鑿井種田、食方有自、今之執政者、須注意及之。

## 第十五課 交通

襄陽西北通牛馬車、俗曰大路、東南多水田、交通專恃轎子、民國十年、襄花汽車路開通、行人便焉、若水路僅由襄陽到璩家灣通小船、秋冬水淺、即不能行駛、公文傳遞、古時用驛站、相傳鹿頭店於乾隆時、街首有大阜驛三字猶存、有驛丞司其事。清光緒三十年設郵寄代辦所、後改稱郵政局、在大南街、租屋辦公、現移大東街、除收發信件包裹滙兌外、兼理郵政儲金、代遞電報各事宜、查每月銷售郵票約值洋三百元、滙兌不過五百元之數、鄉鎮如吳家店、興隆集、隨陽店、隆興寺、璩家灣、楊家壩等處、均設分局、其他代辦處所亦多、最近縣城設電話、本可直通漢口、旋因匪禍復塞、爲交通上之一阻、飛機雖過襄陽、但不停止、惟少數軍人、有直飛襄陽之事實。

## 第十六課 祭祀

民間風俗、中元及歲除、皆祭於堂、清明祭於宗祠、無祠者祭於墓、客戶及貧家、值中元節、於野外以壘圈地、置紙錢於中焚之、族之大者、演戲誦經、不忘祖也、至對神祇、因職業而異、木匠敬魯班、針工祀嫫祖、藥舖敬藥王與神農、農夫多祀青苗土地、各就其福己者而媚之、人情常耳。官廳方面、則異乎是、每歲以春秋仲月上丁日致祭文廟、與祭各官、皆在家致齋三日、先期一日、各官齊赴聖廟階下、具朝服上香、行三跪九叩首禮畢、教官視滌器、承祭官省牲設香案、獻爵奠酒、宰牲取血、執事生捧送各壇供奉、承祭官俟安設畢一揖退、此前清祭文廟禮、民國廢跪拜禮、於祭孔之外、兼祀關岳、除跪拜外、大同小異、民國十六年、建國軍駐棗、文廟武廟、同時破壞、孔丘關岳、同在打倒之列、祭祀之禮、久已廢矣。

## 第十七課 教育上

清順治十六年、議准譯書六諭、康熙九年、頒諭十六條、按譯書六諭、即孝順父母、恭敬長上、和睦鄉里、教訓子孫、各安生理、無作非爲、聖諭十六條、一曰敦孝弟以重人倫、二曰篤宗族以昭雍睦、三曰和鄉黨以息爭訟、四曰重農桑以足衣食、五曰尚節儉以惜財用、六曰隆學校以端士習、七曰黜異端以崇正學、八曰講法律以儆愚頑、九曰明禮讓以厚風俗、十曰務本業以定民志、十一曰訓子弟以禁非爲、十二曰息誣告以全良善、十三曰誠窩逃以免株連、十四曰完錢糧以息催科、十五曰聯保甲以弭盜賊、十六曰解讐忿以重身命、責成鄉約人等、每月朔望日、聚集公所宣講、所謂士子者、每於考試終場、則默寫若干條、以故薰陶漸染、相習成風、乃最有力之不成文法、家喻戶曉、此承平所由致也。

## 第十八課 教育下

滿清末葉、廢科舉、興學校、革命風潮、瀰漫神州、民國肇興、五族共和、奴隸教育、完全廢除、公私學校、相繼成立、就吾縣論、民國十二年、已有縣立、公立、私立學校共六十處、中以縣立高等小學校、東鄉私立競智高等小學校、北鄉公立興亞高等小學校之經濟充裕、設備完善。而教育機關、曰勸學所、曰教育會、曰宣講所、曰圖書館、曰閱報處、勸學所在文昌宮東、現改名教育局、教育會無會所、附設勸學所內、宣講所附設勸學所內、以關帝廟前房爲演講地點、圖書館附設文昌宮內、閱報處附設勸學所及商會內。民國十五年、北伐軍占領湖北、各機關及各學校、直接間接、無形停頓、十六年春、雖以縣黨部爲訓練民衆機關、未幾左右之爭、清黨運動、相繼而至、人民對之、已失信仰、不知司教育之責者、今後如何。

## 第十九課 雜稅

清初課稅簡約、革繁苛無藝之徵、與民休息逾二百年、光緒末葉、軍興餉絀、稅額漸增、取民之制、蕩然無存、民國因之、有加無已、名目夥多、閭閻未能盡悉、怨咨厚斂者、固不在賦而在稅焉。就吾縣所已有者言之、曰牙帖、曰印花稅、曰菸酒稅、曰屠宰稅、曰硝磺局、曰特捐、曰營業稅、牙帖捐章程分上中下三等、偏上額定牙捐洋三百元、偏中額二百元、偏下額一百元、短期牙捐洋三十元、長期以十年爲限、短期以一年爲限、年收牙帖捐約洋二千餘元、印花稅、向由商會代收、近由省局派員駐縣經理、每月約銷數百元、菸酒、屠宰、硝磺、營業、年年增加、無法考察、所謂「特稅」、即煙燈捐、與販賣稅、最近棗陽西、北、東各區、大種鴉片、有所謂「窩捐」、及不種煙之「懶捐」、其收入額、爲十數萬元、而中飽者不與焉。

## 第二十課 武 備

邱東陽云、棗陽居天下之中、當南北之衝、俗尚義俠、人輕戰鬥、昔光武以八千子弟、首舉義旗、平林陳牧湖陽馬武應之、一時風發雲湧、不數年間、掃清六合、帝里親近、牧豎皆王侯也。宋室南遷、恃襄棗爲門戶、金人虎視鯨吞、勢必欲假道於棗、始則圍城八十餘日、繼則三月七十餘戰、孟德夫父子先後守棗陽、募壯士三萬人、屯田十萬頃、隨方抗禦、卒使金訛可單騎逃遁、不敢復來、棗民之有勇知方、亦風氣使然也。咸豐之季、洪陽餘黨、屢肆蹂躪、始而民不知兵、聞風逃竄、迨後人懷義憤、念切同仇、於是有界牌口觀音坡之大戰、民二白匪陷城以來、全縣城鎮、屢遭匪劫、東北鄉界唐桐、更爲匪人出沒頻繁之區、人民出而自衛、於軍事則前有衛紳寅賓之鄉團、現有鹿頭鎮之保安合作社、時勢造英雄、信哉斯言。

## 第二十一課 匪 患

棗陽位南北要衝、民俗强悍、漢代赤眉、綠林、清朝白蓮教匪、襄邑紅巾土匪、咸同間洪楊餘黨、均擾竄縣境、攻破城寨、荼毒庶民、爲狀至慘、史載赤眉掠唐子鄉、多所殘殺、相傳捻匪竄棗陽、鷄犬不甯、但時代久遠、目未親覩、居今思昔、則唯太息。民國二年、白狼陷棗城、入住縣公署、羣匪帕首握刀、衣婦女服、髮辮垂々、形狀至詭異、初入城意在劫掠後即去、不意鄂軍、豫軍、奉軍繼至、圍而不攻、匪則逍遙城中、日以魚肉小民爲事、事後調查、居民死九十二人、民三白狼竄棗北、袁家寨鄉團禦之、匪怒而攻寨、破之、團首周景山父子遇害、同時死難者百數十人。自後豫匪高保勝、宗萬林、老洋人、安漿糊等、先後破城寨、匪跡所至、閭里爲墟。鹿頭鎮於民國十四年元月八日、爲安匪攻破、拉去肉票百五十名、詳見邑人馬伯援著銜恤錄、較之『多所殘殺』、『鷄犬不甯』、則相去何止十百千里。

## 第二十二課 國防上

三三

舊志云、粵逆捻匪、迭次滋擾、鄉民不堪、築石土各寨計百七十八處以禦之、得力甚大、惟是寨堡固所以衛民、而團練尤所以衛寨、自古調客兵不如增主兵、而設主兵又不如練鄉兵、蓋鄉兵以本土之人、守望相助、資費既省、招集亦易、勝於客兵萬萬也、寨分大中小三等、各練鄉勇一百、二百、三百、造具花名清冊、居常仍各營生業、有暇則相聚操習、以寨首一人領之、量捐經費以爲津貼練勇之用、又於附近衆寨之中、擇一寨爲總領、使其聯絡衆寨、聲息相通、遇有警報、縣發總領、總領發衆寨、一聞號令、頃刻立至、小警則止發近寨、大警則四鄰畢集、此卽古「寓兵於農」之意、誠能同心共濟、互相應援、則一縣之內、如身使臂、如臂使指、統計各寨練勇、不下五六萬人、即有寇盜突入、腹背受敵、未有不敗者也。

## 第二十三課 國防下

團防保甲、自古有之、清咸豐二年、令各省仿照嘉慶年間堅壁清野之法、辦理團練、以資保衛。民國五六年、頒布保衛團組織大綱、吾棗縣鄉鎮、無處無有、結果不能禦匪而轉資匪者、辦理不善耳。查團防特長、曰寓兵於農、曰便於調遣、因此則無惡不作矣。記者洞悉此中因果、主張保安合作社、附於產業合作、何則、保安合作社之範圍、以產業合作社爲集團、無彼此之分、亦無爭奪之弊、保安合作社之經費、以產業合作社爲本源、無索擾之事、亦無困乏之虞、保安合作社之人員、即產業合作社之分子、各有正業、利害一致、有變則禦匪、無故則作工、既無所謂勢力可以憑藉、亦無所謂名義可以假借、蓋保安合作社、乃生產民衆自給自衛之最新最良組織、有百利而無一害、以與團防相較、真有天上地下之別。

## 第二十四課 藝文

漢光武者、能文之士也、其報臧宮馬武詔、不僅文章古老、且用意極善、特錄於右、以終吾之鄉土誌焉。其詞曰、『黃石公記曰、柔能制剛、弱能制彊、柔者德也、剛者賊也、弱者、仁之助也、彊者、怨之歸也、故曰有德之君、以所樂樂人、無德之君、以所樂樂身、樂人者其樂長、樂身者不久而亡、舍近謀遠者、勞而無功、舍遠謀近者、逸而有終、逸政多忠臣、勞政多亂人、故曰務廣地者荒、務廣德者彊、有其有者安、貪人有者殘、殘滅之政、雖成必敗、今國無善政、災變不息、百姓驚惶、人不自保、而復欲遠事邊外乎、孔子曰、吾恐季孫之憂、不在顓臾、且北狄尙彊、而屯田警備、傳聞之事、恒多失實、誠能舉天下之半、以滅大寇、豈非至願、苟非其時、不如息人』。且尊崇嚴子陵爲人、不强之仕、後漢氣節、賴之振興者不少、光武所遺於吾人者、豈僅武功乎、願讀者三致意焉。

### 附汪全邦君傳

汪君全邦、鹿鎮人也。幼失怙恃、家貧、工於馬宅、民國十四年、從馬伯援先生赴日本、充中華留日基督教青年會廚房工人、日工夜讀、不數年能閱報紙、寫白話信、進步甚速。民國二十年、日軍侵東四省、留日學生、紛紛歸國、汪君憤日本橫暴、亦思旋里、適其頸生瘡、恐歸後不便就醫、乃於十月十三日、入慶應醫院割治、因出血過多、當晚長逝、時年二十八歲、殊可惜也。翌晨火葬、檢收遺灰、送回故里。其生平所集二千餘金、均由辛苦得來、中華留日基督教青年會、爲慎重保管起見、特請馬伯援陳良魁楊仁壽三先生爲保管委員會委員、決定以一部分贍養其親、餘則均存漢口上海銀行、每年以利息二百元、補助地方青年教育經費、以資勸獎、並爲汪君永留紀念。現馬伯援先生考查本鄉沿革、多擇尤發揚、特手編『棗陽縣鄉土誌』、全書二十四課、擬分給各小學、作爲教材、付印五百冊、價約國幣六十圓、商得各委



員同意、支用前項利息、以符補助後進之初衷、因述其事、並揭汪君之小照於後、以勸世之富者。

中華民國二十一年五月 孝感楊仁壽誌於東京

